

四庫全書

史部

# 欽定四庫全書

史部

欽定大清會典則例卷一百八十九

詳校官檢討臣劉 烱

編修臣程嘉謨覆勘

總校官原任中允臣王燕緒

校對官助教臣黃昌提

謄錄監生臣劉宗望

欽定四庫全書

欽定大清會典則例卷一百七十九

步軍統領

一建置順治元年設提督九門步軍統領步軍翼尉步軍協尉步軍尉等官鑄給步軍統領印信統轄八旗步軍營步軍領催步軍○是年建巡捕南北二營設叅將二人遊擊二人把總十人以兵部主事一人督之○又設筆帖式四人

○十四年建巡捕中營設叅將一人遊擊一人  
把總五人○康熙三十年

命步軍統領兼管巡捕三營換給提督九門步軍巡捕  
三營印信○是年奏準增設守備十五人千總  
六人把總三人又設南營

暢春園守備一人把總一人中營

南苑牆守備一人千總一人把總二人○又增設  
筆帖式四人○五十一年增設

暢春園守備一人把總一人○又增設

靜明園把總一人○六十一年設員外郎一人○

雍正元年增設

圓明園守備一人千總一人把總一人○八年增  
設員外郎一人主事二人○十二年建步軍統  
領衙署於京畿道衙三營增設千總七人把  
總六人○十三年增設司務一人筆帖式四人  
一門禁順治初年定

午門外朝會坐班行禮處各官隨從交該旗委出  
之驍騎校並管守朝房之步軍尉槩行驅逐倘  
有容留將驍騎校步軍尉及從役之本主皆罰  
俸一月○又定每月逢五常朝日由禮部咨兵  
部轉行本衙門於黎明啟正陽門○又定恭遇  
御門聽政日城外居住官員應早入者由兵部行文  
於曉鐘後啟正陽門○又定遇

壇

廟祭祀日期內外城陪祀各官有應早入城出城者均由太常寺先期咨兵部轉行於五鼓後啟門內務府衙門遇有祭祀出城取水豫期行文或早啟或遲閉其餘各部院八旗有應早啟城門出入者均豫具印文移咨兵部覈明應行者轉行本衙門啟門放行如無兵部印文槩不準啟○又定凡遇朝會之期本衙門委步軍協尉四人副尉四人步軍尉十有六人步軍酌量差撥在

午門外

大清門內

御道兩旁禁止喧譁又於

長安左右門外每門委捕盜步軍尉二人阻逐閒人○康熙三十一年定凡遇

行幸駐蹕

暢春園城內各衙門按日前往奏事傳知西直門

德勝門西便門駐蹕



南苑傳知正陽永定等門均酌量早啟遲閉其平常行人仍於黎明時放行○三十八年議準正陽門城門領驍騎等皆由八旗充補毋庸議調其崇文等八門城門領城門吏千總若令各按本翼調門看守管轄不致瞻徇於門務有益應將鑲黃正藍二門城門領城門吏千總等即對調看守其正白鑲白二門正黃鑲藍二門正紅鑲紅二門城門領城門吏千總等亦令照此對

調看守其兵丁等仍按各旗留門看守○雍正  
四年奉

旨步軍統領衙門及正陽西直二門各給陰文合符一  
扇傳諭步軍統領如遇夜有奉旨差遣及緊急軍務  
應即時啟門者正陽西直二門俟大內持出陽文合  
符至門該城門領將該門之陰文合符照驗明白即  
行啟門仍報知統領其餘各門遇陽文合符至門該  
城門領即報統領親齎陰文合符至門與陽文合符

照驗啟門於次日具奏平時啟閉仍遵例行○七年

奉

旨大清天安端門此三門向繫步軍營看守若調用護軍八旗護軍校護軍等是否足數差遣令護軍統領等酌議具奏欽此遵

旨議準上三旗看守之處甚多下五旗叅領護軍校護軍惟有看守

紫禁城之責請將

大清門

天安門

端門每門委下五旗護軍叅領一人護軍校二人  
副護軍校二人護軍十有六人看守其灑埽仍  
令步軍營管理○乾隆十二年議準

車駕巡幸有叩

闖人在步軍營管轄之內者該管步軍尉罰俸六  
月協尉罰俸二月該汛步軍鞭八十若在

御路稍遠在步軍營管轄之外者步軍尉罰俸三月步軍協尉罰俸一月步軍鞭四十○又定凡

遇

駕宿齋宮統領於附近城門內直宿翼尉一人協尉副尉四人於

壇內直宿外垣以內設八旗步軍汛二十四處步軍尉十六人每汛領催一人步軍六人竟夕巡邏三營叅將遊擊各一人在要路防守外垣外三營

共設汛四十處每汛步兵四人每十汛千把總  
各一人徹夜巡邏守備二人往來稽察○又定  
乘輿經過在大城內各街道由統領率屬督領步軍  
修墊埽除若大城外屬京汛所轄之街道由統  
領率八旗步軍及三營官兵修墊埽除如遇橋  
梁有應行修理者即行大興宛平二縣搭蓋修  
理

一守衛

皇城内各處汛守分旗畫界○鑲黃旗滿洲地方  
在

紫禁城北東自地安門箭亭皇城牆起西至地安  
門甬路分中接正黃旗界北自火藥局皇城牆  
起南至三眼井接正白旗界中設步軍尉二人

後各  
旗同

分汛十每汛設步軍十有二人

後各  
旗同

柵關

十有八座每座設步軍三人

後各  
旗同

景山後管理

街道灑水兼管河道步軍尉一人

後各旗步軍  
尉職掌同

步軍百二十人

後各旗步軍人數同

○正白旗滿洲地方在

紫禁城東北東自內府庫東口東牆起西至景山東牆止北自三眼井起南至銀牕風神廟接鑲白旗界分汎十有一柵闌十景山東門設步軍尉步軍如前○鑲白旗滿洲地方在

紫禁城東東自騎河樓東牆起西至北池子止北自宣仁廟起南至北池子南口並望恩橋北接正藍旗界分汎十柵闌十有三北池子街設步



軍尉步軍如前○正藍旗滿洲地方在

紫禁城東南東自東安門東皇城牆起西至南池子街止北自北池子街並望恩橋起南至蒼蒲河皇城牆止分汛十有一柵闌九南池子口設步軍尉步軍如前○正黃旗滿洲地方在

紫禁城北東自地安門甬路分中起西至西十庫止北自侍衛教場皇城牆起南至

弘仁寺分中接正紅旗界分汛十有二柵闌十有

六內十座各設步軍三人餘六座即附近汎蕪  
管地安門內設步軍尉步軍如前。正紅旗滿  
洲地方在

紫禁城西北東自景山西門起西至西安門皇城  
牆止北自

弘仁寺分中起南至西安門甬路分中接鑲紅旗  
界分汎十有二柵闌十有七內十一座各設步  
軍三人餘附近汎蕪管景山西門設步軍尉步

軍如前○鑲紅旗滿洲地方在

紫禁城西東自大高殿門分中接正紅旗界起西至西安門皇城牆止北自西安門甬路分中起南至大石槽皇城牆止分汎十有二柵欄二十四內一座即附近汎蕪管光明殿後設步軍尉步軍如前○鑲藍旗滿洲地方在

紫禁城西南東自西華門起西至西苑門止北自慎刑司接鑲黃旗界起南至南府皇城牆止分

汛十有二柵闌九內三座即附近汛兼管西華  
門外設步軍尉步軍如前以上八旗均按該管  
地方遠近界址防守稽察夜則巡更擊柝每汛  
設立更籌自初更起上下汛往來傳送至黎明  
乃止

皇城外大城內各處汛守分旗畫界鑲黃旗滿洲  
地方在大城北

蒙古旗同

東自新橋起西至舊鼓樓

大街接正黃旗界北自安定門城根起南至紅

廟後接正白旗界中設步軍尉五人

後滿洲各旗同分

汛五十三每汛步軍十有二人

後各旗步軍人數同

柵欄

九十四座每座步軍三人

後各旗同

激甬十有三

後各

滿洲旗同

蒙古旗地方東自東直門北小街口接本

旗漢軍界起西至新橋西接本旗滿洲界北自

北城根接本旗滿洲界起南至汪家衚衕西口

接正白旗界中設步軍尉二人

後蒙古漢軍各旗同

分汛

二十二柵欄二十九激甬四

後蒙古漢軍各旗同

漢軍旗

地方在大城東北東自東直門城根起西至新橋東接本旗蒙古界北自角樓迤西接本旗滿洲界起南至南水關接正白旗界分汎十有七

柵闌二十七○正白旗滿洲地方在大城東

蒙古

漢軍  
旗同

東自朝陽門北城根起西至地安門大街

分中接鑲黃正黃旗界北自汪家衚衕西口起南至大市街接本旗蒙古界分汎五十一柵闌九十蒙古旗地方東自拐棒衚衕東口接鑲白

旗界起西至皇城牆止北至兵馬司衙衙接本  
旗滿洲界起南至報房衙衙接鑲白旗界分汎  
二十柵闌三十五漢軍旗地方東自朝陽門城  
根起西至雞鵝市接本旗滿洲界南自南小街  
口接鑲白旗界起北至何家口接本旗滿洲界  
分汎十有四柵闌三十一○鑲白旗滿洲地方  
在大城東

蒙古旗同

東自東城根起西至皇城牆止

北自炒麵衙衙西口接正白旗界起南至金魚

衙衙東口接本旗漢軍界分汎四十六柵闌八十蒙古旗地方東自城根中心臺起西至東安門止北自小石槽衙衙接本旗滿洲界起南至小街口接本旗漢軍界分汎十有三柵闌三十五漢軍旗地方在大城東南東自東城根起西至王府大街院府衙衙口止北自金魚衙衙東口起南至就日坊三條衙衙接正藍旗界分汎十有二柵闌十有八○正藍旗滿洲地方在大



城南

蒙古漢軍旗同

東自城根起西至皇城牆轉西至

長安左門止北自三條衛衛起南至小報房衛衛

西口接本旗蒙古界分汎四十五柵關八十七

蒙古旗地方東自城根起西至敷文坊東口接

本旗漢軍界北自小報房衛衛起南至城根止

分汎十有九柵關四十五漢軍旗地方東自敷

文坊東口起西至碁盤街分中接鑲紅旗界北

自兵部街北口接本旗滿洲界南至城根止分

汎十有五柵闌十有五○正黃旗滿洲地方在大城北北自德勝門城根起南至皇城牆西北角止東自地安門分中接鑲黃旗界起西至水

關橋止分汎五十五

內一汎止設步軍五人

柵闌九十一

內三座繫附近汎兵兼管激筭十有五蒙古旗

地方在大城西北

漢軍旗同

北自北城根起南至官

園口止東自橫橋起西至西直門止分汎十有八柵闌三十內二座繫附近汎兵兼管漢軍旗

地方北自北城根起南至臭皮衚衚接正紅旗  
界東自水關接本旗滿洲界起西至橫橋接本  
旗蒙古界分汎十有八柵闌四十一內一座繫  
附近汎兵蕪管○正紅旗滿洲地方在大城西  
蒙古漢  
軍旗同北自臭皮衚衚起南至丁字街止東自

大市街分中起西至馬石橋接本旗蒙古界分  
汎三十八柵闌七十九內六座繫附近汎兵蕪  
管激甯十有四蒙古旗地方北自朝天宮前起

南至武衣庫衙衙止東自馬石橋起西至阜城  
門止分汎十有四柵闌三十六內六座繫附近  
汎兵兼管漢軍旗地方北自倉夾道北柵闌起  
南至西安門分中止東自皇城牆起西至大市  
街分中接本旗滿洲界分汎十柵闌十有四○  
鑲紅旗滿洲地方在大城西南北自按院衙衙  
起南至南城根止東自瞻雲坊分中起西至西  
城根止分汎四十八柵闌九十六內十一座繫

附近汎兵兼管激甯十有四蒙古旗地方在大

城南

漢軍旗同

北自絨線衙衙接本旗滿洲界起南

至宣武門止東自六部口起西至大濠止分汎

十有三柵闌二十三內二座繫附近汎兵兼管

漢軍旗地方北自刑部門分中起南至南城根

止東自碁盤街分中起西至六部口接本旗蒙

古界分汎十柵闌三十九內七座繫附近汎兵

兼管○鑲藍旗滿洲地方在大城西

蒙古旗同

北自

丁自街接正紅旗界起南至瞻雲坊接鑲紅旗  
界止東自皇城牆起西至河漕沿止分汎五十  
柵闌九十七內六座繫附近汎兵兼管蒙古旗  
地方北自武衣庫衙衙接正紅旗界起南至按  
院衙衙止東自河漕沿起西至西城根止分汎  
十有五柵闌二十四內四座繫附近汎兵兼管  
漢軍旗地方在大城南北自灰廠接本旗滿洲  
界起南至刑部門分中接鑲紅旗界止東自

長安右門起西至瞻雲坊接本旗滿洲界分汎十  
柵欄三十四內三座繫附近汎兵兼管以上二  
十四旗均按該管地方遠近界址防守稽察夜  
則巡更擊柝每汎設更籌自初更起上下汎往  
來傳送黎明乃止○大城外三營分管地界東  
三汎北營外西一守備汎內所轄至大王莊觀  
音堂止中營外正東守備汎內所轄至雙橋止  
外東南守備汎內所轄至北鹿司村止均接通

州界南二汛中營外正南守備汛內所轄至

南苑北牆止南營外南二守備汛內所轄至西紅  
門三官廟止均接舊州營界西二汛南營外南  
三守備汛內所轄至大井村止外南一守備汛  
內所轄至田村府君廟止均接拱極營界北二  
汛北營外正北守備汛內所轄至清河利水橋  
河沿止接鞏華營界又外東北守備汛內所轄  
至羊房村止接沙河汛界以上各汛統以南北



中三營叅將各一人中營所屬馬兵汎五十四  
步兵汎五十五柵欄百九十三鳥槍百激箭五  
南營所屬馬兵汎六十二步兵汎八十二柵欄  
百四十五鳥槍百激箭十有一北營所屬馬兵  
汎四十九步兵汎四十柵欄百有二鳥槍百激  
箭八

圓明園三汎界址東自劉村五道廟起西至京山  
口與宛平縣接界南自黃莊馬兵汎路北起北

至樹村中營後街與昌平州接界○捕盜步軍  
尉每旗五人以滿洲旗地方分為三分令滿洲  
捕盜步軍尉三人分管其蒙古漢軍地方令蒙  
古漢軍之捕盜步軍尉管轄以專責成南城外  
地方遇有失火之事統領即率所屬弁兵啟城  
門往救左右步軍翼尉率弁兵於城門防守仍  
報兵部存案○康熙三十一年定凡遇

聖駕行幸

皇城內外緊要地方增置堆撥每旗增步軍協尉  
一人直宿其巡察堆撥柵欄弁兵及捕盜步軍  
尉等亦嚴加巡防至正陽崇文宣武三門外巡  
捕營叅將遊擊各率該管守備千把總坐班看  
守再將八旗步軍編設二十堆撥增置於營兵  
堆撥兩間處夜間傳籌委步軍尉十有六人更  
番管轄協尉四人輪流稽察其餘各門外守備  
在各該門外坐班千把等在闕廂坐班十六門

城門領等均令近堆直宿各嚴守衛戢

聖駕回鑾徹回○又定

聖駕恭謁

陵寢奏委步軍翼尉協尉筆帖式各一人捕盜步軍尉  
八人守備千把總各一人健步官十人番役捕  
役各四名捕盜步軍二十八名馬兵八名隨往  
如

聖駕出哨奏委翼尉筆帖式各一人協尉二人捕盜步

軍尉八人守備千把總各一人健步官十人番役捕役馬兵各八名捕盜步軍四十八名隨往皇子未分封者奉

差奏委捕盜步軍尉二人千總一人馬兵步軍番役各二名捕盜步軍六名隨行○三十三年奏準步軍統領增設令箭十二枝以備隨時調遣及宣傳號令之用○雍正元年定

圓明園附近處設八旗步軍汛凡五十所激甬八

步軍協尉四人步軍尉十有二人每汛領催三名步軍十名晝夜巡邏又設三營馬兵汛十有五步兵汛五十二○乾隆九年定

靜明園附近處設三營步兵汛十有二

靜宜園附近處設三營馬兵汛一步兵汛十西山小屯村及冷泉附近處各設三營馬兵汛一步

兵汛四

每汛設兵或三四人或五人

如遇

車駕巡幸以叅將一人於清梵寺前駐劄各汛守備

在通衢大街千把總等在偏街小巷防守嚴加稽察晝夜巡邏○十年奏準內九門城上共房二百四十一所每所三間計房七百二十三間除收貯鎗旗信礮火藥外尚有堆撥房百三十五所設步軍堆撥八十七處如遇

駐蹕圓明園增驍騎堆撥四十八處恭遇

車駕巡狩方嶽將步軍撤下分防大街巷口城上悉令驍騎看守其房屋如有坍塌照例移咨工部

隨時修理至外七門城上並無官建堆房其看  
守繫巡捕營兵上設堆撥十有八所每所步兵  
三名共千把總三人管轄每堆撥房一間皆遠  
年蓋造悉多傾頽難於棲止且外七門周圍二  
十五里有餘只設堆撥十八處相隔遙遠呼應  
不靈請增蓋堆撥房二十八間除分給直班千  
把總三間外其餘二十五間設堆撥二十五處  
所需工料即於統領衙門房租銀內動支構辦



一訓練康熙十三年定八旗步軍統計二萬一千餘名內八旗漢軍烏槍步軍千六百十有七名正黃正紅兩旗朝鮮佐領下烏槍步軍百二十名共烏槍步軍千七百三十七名每歲操演應用火藥等物均由工部支領○雍正七年議準統領衙門會同工部官將內九門城上舊有火藥二十六萬斤陸續更換新藥備貯○十二年奏準烏槍步軍千七百餘名雖有槍手名色

而實能施放者百無一二緣步軍差使繁雜實屬無暇操演況原因看守街道而設鳥槍並非需用器械與其虛設不若改為箭手演習步射較為有益所存鳥槍撤交工部再九門最關緊要每門額設守門驍騎二十名礮手二名向無鳥槍今擬將守門驍騎令其學習鳥槍每年自二月起至立夏日止立秋日起至立冬日止共演槍六月每月逢五逢九日演槍六次每次每

人演槍六出凡開操之時均令該翼步軍翼尉督率該城門領等輪番察閱務期熟練其所用鳥槍即於前項撤交數內揀選堪用者如數給發需用演槍火藥火繩等項按月照例於工部支領再點驗軍器時步營弁兵亦應一例察驗今步軍甲冑殘闕者多回應如數補造但全分盔甲步軍披服不甚便利今酌議甲袖甲裙毋庸補製止令製造頭盔甲褂稱體適用○乾隆

六年議准巡捕三營防衛

畿甸武備自宜整齊今三營廬甲旗幟等項日久  
敝壞且馬兵有廬甲步兵並無廬甲體制未協  
請動支朋扣餘銀照數製備工竣造報工部核  
銷再鳥槍為兵丁所必需帳房為兵丁所棲息  
今三營兩項皆無請於每營設立鳥槍百杆帳  
房八十架共需鳥槍三百杆帳房二百四十架  
在於工部庫貯項內揀選撥給統領轉飭該管

各官將所給帳房加謹收貯其烏槍督率兵丁  
勤加練習每年自二月十六日起至立夏日止  
立秋日起至立冬日止每兵每日演槍五出應  
用火藥行文工部按季領取並令三營叅遊每  
月逢三逢八日考閱弁兵弓箭守備每月逢一  
逢六日操演本汛兵丁務使技藝精熟以整戎  
行○七年議準內外各門拱衛

紫禁防範理宜嚴肅今內城九門外城永定東便

二門舊設大小銅鐵礮共一千九百餘位殘闕不全者居多至廣寧廣渠左安右安西便五門向未設有礮位其多寡有無不等之故閱年久遠難以稽考見據工部會同兵部各委司官帶領匠作逐細點驗除不堪用大小礮九十二位外堪用之大小銅鐵礮共一千八百七十有二均繫存貯年久之物其堪以施放與否無從深知若一并試演為數過多運送車價及火藥礮

子鉛彈等項未免繁費請俟八旗演礮之日將  
各城門堪用礮位交與工部揀選二百隨同八  
旗之礮運至蘆溝橋演放驗看卽於此內揀擇  
一百六十位內外十有六門各安設十位以備  
捍衛所需礮車交與工部照數造給其每次演  
放應需腳費於戶部撥給應備鐵子火藥等項  
見在各城存貯火藥二十六萬斤繫雍正七年  
陸續更換之新藥東直門大樓內見存大小鐵

礮子一千八百分撥各門均足敷用無庸再行  
備辦其演礮所需烘藥火藥鉛彈白布等物應  
照八旗之例於戶工二部支領至所需礮手內  
城九門每門原額設二名於守門兵丁內選補  
其外城七門並無礮手應照例令步軍統領亦  
於見在守門兵丁內各選補礮手二名令其學  
習放礮以供將來演放之用再八旗漢軍礮位  
繫三年一次演放原為操演火器營兵丁而設



此項城門貯礮與八旗不同如亦以三年演放  
一次為期太速請以九年為期照例運至蘆溝  
橋隨八旗礮位令漢軍火器營協同演放運送  
車費及火藥礮子等項臨期令統領酌量辦理  
至此外未經演放之各門存礮仍照舊謹慎收  
貯各門城上○九年奏準內外各城門安設礮  
位原議將各城礮內揀選百六十位每門各安  
設十位嗣經工部委官驗明可以成就礮車者

只有七十九位餘均小礮不堪應用隨於八旗礮局餘存銅鐵大礮撥給一百十有九位以數安設今屆八旗演礮之時將各城門存貯大礮並八旗礮局撥給餘存大礮共一百九十八位運至蘆溝橋設放揀選堪用者僅一百四十二若仍照原議之數安設不敷分布應酌請內城九門仍照原議各安設十位外城非內城可比七門各安設五位其餘剩堪用礮十有七位與

各旗礮局存貯如有應用之處再行動撥其廢礮五十有六亦交與八旗存貯礮局○十八年奏準各城門礮仍照舊例停止演放

一緝捕康熙二十四年議準步軍所管汛地有犯私鑄私燬及攬和小錢行使事發該管官知情者革職照例治罪失察者步軍尉降一級罰俸一年協尉副尉降一級留任翼尉統領各罰俸一月有能拏獲者不論年月遠近皆免議繫

本衙門官拏獲者該汎失察官免議若經別衙門拏獲失察之該管官仍議處○又定步軍營兵並無私仇別故因公事教訓將該管官殺死者統領翼尉罰俸六月協尉副尉罰俸一年步軍尉罰俸二年記讐殺死或因公挾仇刀傷該管官者統領翼尉罰俸三月協尉副尉罰俸六月步軍尉罰俸一年○又定城內黏貼匿名揭帖該步軍尉等官不行緝拏別經發覺步軍尉

罰俸一年協尉副尉各罰俸六月翼尉罰俸三  
月統領罰俸一月○又定番役兵丁私用非刑  
害人該管官不約束者革職○又定步軍尉汎  
內有違禁開設店面容留來路不明之匪類者  
將步軍尉罰俸一年協尉副尉各罰俸六月翼  
尉罰俸三月統領罰俸兩月○二十五年題準  
旗下逃人若步軍尉拏獲至六十名者加一級  
協尉督率步軍尉拏獲百二十名者加一級翼

尉統計所管四旗步軍督率拏獲至四百八十  
名者加一級統領督率八旗步軍尉及番役拏  
獲至九百六十名者加一級數多者照此遞加  
議敘○又議準步軍尉等所管汛地內有在路  
身死者步軍尉不將情由申報刑部罰俸六月  
○又定步軍營兵有犯鬪毆致死者統領翼尉  
罰俸三月協尉副尉罰俸六月步軍尉罰俸一  
年○又定旗員將步軍拏至家中禁打者審實

革職如禁打損傷者審實革職交部治罪若延  
醫祭祀嫁娶燕會因而夜行步軍勒索不肯放  
行者步軍鞭五十因被步軍勒索即責打有傷  
者罰俸六月○又題準步軍尉於一年內拏獲  
強盜五名者紀錄一次十名紀錄二次十五名  
加一級三十名加二級協尉副尉所管步軍尉  
等一年內拏獲強盜十名者紀錄一次二十名  
紀錄二次三十名加一級翼尉所管一翼步軍

尉等一年內拏獲強盜二十名者紀錄一次四十名紀錄二次六十名加一級統領所管八旗步軍尉與番役等一年內拏獲強盜四十名者紀錄一次八十名紀錄二次百二十名加一級其所獲多者各照本管應得議敘按數遞加步軍尉於一年內拏獲竊賊及強惡六十名以上者紀錄一次百二十名以上者加一級二百四十名以上者加二級協尉副尉所管步軍尉等



一年內拏獲竊賊及強惡百二十名以上者紀錄一次二百四十名以上者加一級翼尉所管一翼步軍尉等一年內拏獲竊賊及強惡二百四十名以上者紀錄一次四百八十名以上者加一級統領所管八旗步軍尉及番役等一年內拏獲竊賊及強惡四百八十名以上者紀錄一次九百六十名以上者加一級拏獲多者均照數議敘如繫協尉副尉翼尉親身拏獲者照

步軍尉議敘至步軍尉名下所獲之數雖不及  
紀錄其統領翼尉仍總計議敘拏獲強盜竊賊  
惡徒均由刑部定擬彙咨兵部議敘○二十六  
年覆準拏獲持刀傷人之賊首先擒拏之人賞  
銀十五兩第二人賞銀十兩第三人賞銀五兩  
若所獲繫但持刀而未至傷人者不給賞○三  
十七年議準

京城內遇有強盜白晝傷人搶奪財物該汎步軍

尉等將賊犯當場拏獲及一月之內全獲者免  
議如一月內拏獲一半步軍尉罰俸一年協尉  
副尉罰俸六月賊犯照案緝拏如一月內不嚴  
緝致賊遠逸者步軍尉降二級調用協尉副尉  
降一級調用所有加級紀錄不準抵銷翼尉罰  
俸一年統領罰俸六月汎地步軍等各鞭一百  
賊犯交與接管官照案緝拏○又議準步軍領  
催等將拏獲賊犯得財私放該管步軍尉失於

覺察其贓在十兩以下者罰俸一年十兩以上者降一級留任知情故縱者革職○四十一年議準

京城內盜賊傷人劫去財物將該汛步軍協尉副尉各罰俸九月翼尉罰俸六月統領罰俸三月盜案照數緝拏該汛直宿步軍尉降二級留任罰俸一年限一年緝獲本汛管街領催步軍及本汛看守柵欄步軍各鞭一百如一年內拏賊

一半步軍尉準其開復一年限滿獲不及半無別案失事者步軍尉降二級調用本汛領催步軍看守柵欄步軍皆枷一月鞭八十年不獲又失事者步軍尉降三級調用本汛領催步軍看守柵欄步軍枷四十日鞭一百草退未獲逸犯交接任官照案緝拏驍騎堆撥相近處失事該直班官罰俸一年驍騎照步軍例治罪○又議準惡徒在街肆行無忌或藉端挾詐勒騙財

物公然搶奪攪擾市肆行克者責成該汛步軍尉並步軍翼尉協尉副尉不時緝捕有失察者步軍尉罰俸六月協尉副尉罰俸兩月翼尉罰俸一月領催步軍鞭一百倘明知惡徒不緝拏者革職如得財私縱謊稱逃脫者革職并領催步軍皆交刑部治罪若領催步軍得財私縱謊稱逃脫該步軍尉並不知情者照失察步軍犯贓例議處

一斷獄康熙九年定

京城內有姦細放火不察拏者該管步軍尉降四級調用協尉副尉降二級調用翼尉降一級留任統領罰俸一年○又定看守城門官弁縱令奴僕依城搭蓋蓆棚賃人取租者罰俸六月奴僕鞭八十如容間雜人等近門歇宿將直班城門領城門吏門千總罰俸六月若縱容間雜人近門嚮火致延燒城門者直班城門領城門吏

門千總革職領催步軍交刑部治罪若將蓄髮僧人不行察拏致入城門者將直班城門領城門吏門千總各罰俸一月領催步軍鞭四十若蓄髮僧人入城棲止該汛步軍尉拏獲者免議如被旁人拏獲者將該汛步軍尉罰俸一月○十三年定凡審理八旗三營拏獲違禁犯法姦匪逃盜一應案件審繫輕罪步軍統領衙門自行完結徒罪以上錄供送刑部定擬○雍正二



年議準崇文宣武朝陽阜成東直西直安定德勝八門每門各設監獄凡旗人獲罪刑部定議枷示或統領衙門奏明永遠枷示人犯皆發門監羈禁如封印後統領衙門監內人犯過多亦

發門監羈禁

崇文門監鑲白旗人宣武門鑲紅旗人朝陽門正藍旗人阜成門鑲

藍旗人東直門鑲黃旗人西直門正黃旗人安定門正白旗人德勝門正紅旗人

○又

定旗人命案已經驗明令其擡送如有勒索攔阻者該堆撥及城門直班官兵拏送刑部治罪

若知而不拏將直班官罰俸一年兵丁鞭五十  
○六年議準在京奉

旨捕緝人犯及毆斃人命並關繫要案人犯脫逃在  
城內者責成該汛步軍尉住俸限一年緝拏如  
於一月內拏獲者免議一年限滿不獲降一級  
調用人犯令接管官緝獲若非經管應捕之官  
並該上司大員能於一月以內拏獲一名紀錄  
二次一月以外拏獲一名紀錄一次○八年議

準

京城內有失竊之案汎地步軍尉等於事主呈報  
被竊之日即報統領衙門勒限半年緝賊限內  
拏獲免議逾限無獲該汎步軍尉罰俸三月協  
尉副尉各罰俸兩月直日領催步軍各鞭五十  
夜間行竊被獲供由何處柵欄走出者將該處  
守柵步軍鞭一百如別汎步軍尉能於限內拏  
獲賊犯者紀錄一次○十二年議準凡開鵠鶉

圈鬪雞坑蟋蟀盆互相賭鬪者照開局賭博例治罪其該管官亦照失察賭博例議處○乾隆元年議準操演射鵠者準其演射外倘有特開賭場抽頭及容留不射箭買局賣局之人並大賭銀錢者即行拏送刑部照開場賭錢律治罪○四年議準步軍營弁各有分管地方如有賭博賭具等案失察緝獲皆照標營武職例將步軍統領翼尉照提督總兵例定議協尉副尉照

魚轄之副將叅將遊擊都司守備例定議步軍

尉照專管之都司守備千總把總例定議

標營定例

詳見兵部

○五年奏準直月捕盜步軍尉遇強盜案

於事主呈報之日起勒限半年緝賊限內拏獲

免議逾限不獲者降一級留任罰俸六月仍限

一年緝賊一年內緝賊一半準其開復不及一

半將捕盜步軍尉照所降之一級調用捕盜步

軍鞭八十如遇竊案亦於事主報竊日起勒限

半年緝賊逾限不獲捕盜步軍尉罰俸三月捕盜步軍鞭三十限內緝獲者免議○又覆準

京城內強竊之案捕盜步軍尉於承緝限內將賊犯拏獲者專汎步軍尉等皆免議若經別管官緝獲者捕盜步軍尉免議其專汎步軍尉等仍行處分○七年議準

京城內盜案該汎步軍尉隱諱不報或以強為竊以多為少或賄囑事主通同隱匿者將該汎步

軍尉革職步軍協尉副尉翼尉扶同循隱者皆降三級調用失於察報者降二級調用統領知情降一級留任不知情罰俸一年如賊已全獲皆免議若事主未報失事無實據別經發覺者仍照承緝例定議免其諱盜處分諱竊不報該汛步軍尉降一級留任限半年緝賊限內拏獲準其開復限滿不獲降一級調用竊犯交接管官照案緝拏協尉副尉明知被竊扶同隱諱者

照步軍尉例議處失察者罰俸六月勒限半年  
緝拏限滿無獲罰俸一年竊犯照案緝拏有能  
察出揭報者仍照承緝例定議其事主未報該  
汛步軍尉無從察緝別經發覺者免其諱竊處  
分仍於發覺之日為始將未獲賊犯限半年緝  
獲限滿不獲罰俸三月竊賊照案緝拏已拏獲  
者免議○又定八旗滿洲蒙古漢軍正身犯姦  
案件流罪以下步軍統領審理以清字文案自



行完結其因姦罪至死者步軍統領會同三法  
司滿堂官審明定擬用清字具奏○八年議準  
三營地方緝案照五城司坊之例凡遇失竊巡  
捕營專汛武職於失事之日起勒限四月緝拏  
限內全獲及拏獲得半者皆免察叅如四月限  
滿賊未全獲獲不及半皆由統領衙門叅送兵  
部將專汛官住俸勒限一年緝拏限內全獲或  
緝拏及半準其開復逾限不獲按限効叅將專

汎官罰俸一年賊犯照案緝拏○九年議準巡捕三營失竊之案叅送議處各弁皆免其停陞遇有應陞仍準其一例遴選陞拔所有原叅之案帶於新任令其加意協緝務獲限滿不獲扣限叅送照離任官例察議完結

一優卹養廉名糧步軍統領給營額馬軍糧九分左右翼尉二人各給營額馬軍糧四分步軍協尉二十四人各給步軍糧三分副尉二十四

人捕盜步軍尉四十人各給步軍糧二分步軍尉三百三十六人委署步軍尉七十二人各給步軍糧一分三營叅將三人每人各給馬糧八分步糧十有二分遊擊三人各給馬糧六分步糧九分守備十有九人各給馬糧三分步糧五分千總十有五人各給馬糧一分步糧四分把總三十人各給馬糧一分步糧三分外委千把總四十一人各給步兵隨糧一分○康熙三十

三年定巡捕三營馬匹歲需豆草戶部每年確  
訪時價給發召買採辦供應每豆一石外加折  
耗四升脚價銀三分每草一束外加堆積人工  
銀四釐○又定步軍統領衙門監禁人犯應需  
口糧於戶部支領煤炭於工部支領○雍正元  
年奏準三營馬匹每年需豆三萬六千餘石穀  
草六十一萬餘束照採買價直折銀連閏按季  
支給官兵不令召買採辦歲計節省升合脚價

人工銀五千餘兩仍於時價內每兩扣銀一錢  
節存銀庫○又定豆草價直令五城司坊官確  
訪時價造報戶部依所訪價直扣除一成折給  
三營官兵自行採買○四年奏準安定門大街  
草廠衙入官房一所共六十七間作為步軍  
統領衙署○五年奉

旨城外所有官房千四百三十四間地四百畝有奇著  
交巡捕三營官弁取租存於步軍統領衙門以為賞

賚番役之用。○九年奏準將官房租銀內歲支八百兩以為各官養廉之費。○十年

諭見今天氣炎熱著步軍統領於各門設立冰水解暑湯藥以解行人煩渴即於工部所窖冰塊應用如尚不敷動用崇文門宣課司餘糧採買辦理永著為例其解暑湯藥交太醫院官定方配製欽此。○又奏準巡捕三營額設馬步兵丁五千名馬兵一千四百四十名守兵三千五百六十名內除統領坐

糧九分翼尉坐糧各四分叅將遊守千把等共  
親丁名糧三百八十五分外實在充差馬步兵  
番四千五百九十八名經制官弁及馬步兵番  
每年共扣朋銀三千一百四十六兩四錢向因  
辦理公務無項可動是以將所準馬價作為各  
項公費之用年終以驗準馬匹開銷而兵丁之  
倒馬者令停遲二三月以馬乾銀買補相沿已  
久此雖以公完公但徒有朋銀虛名究無給價

實迹令將應行裁革之費一槩革除其必需公  
項在於官房租銀內動補至辦理鄉會武場及  
每月兵部堂考各省武弁八旗生童騎射處墊  
築馬道搭蓋棚廠置備公案旗籌箭垛修理堆  
撥器械激甬救火器具等項歲需銀八九百兩  
千兩不等實屬無項動支請照各省營汛設立  
公費名糧之例將巡捕三營額兵內每營準設  
公費名糧十分馬步各半每年約餉乾銀千餘



兩足數公用至於兵丁馬匹已過五年倒斃與  
例相符者即動朋扣銀照例每馬定價銀九兩  
買補足額仍赴兵部驗看印烙○十二年奏準  
步軍統領衙門捕盜官員三營將備以及番役  
等拏獲人犯向無公所羈禁皆原差領回看守  
聽候審擬是以蠹役人等藉口守候待質飲食  
盤費之需致滋竇弊擬以衙署之內設立羈禁  
審犯之所仍請照監犯例支領柴米別委弁兵

看守以杜兵番之藉端勒索但見有公署既無  
餘地且問事之處密邇街衢亦多未便請以瞻  
雲坊官房一所計九十四間作為衙署舊有之  
官房六十七間仍交與內務府察收○又奏準  
巡捕三營遊守向無官給衙署是以隨地出資  
僦居不得於本汛緊要地方居住見在內汛皆  
然其外汛落鄉更難得堪作官廨之所皆於關  
廟附近租賃民房既不便稽察巡緝且措辦房

租實屬拮据請照五城坊官之例於該汛適中  
地方給與官房以為衙署似於汛守有益見在  
京城官房可作衙署者共五十處其房間多寡不  
等應酌量分撥將阡兒衙衙官房一所擬用二  
十九間撥給中營遊擊棉花衙衙一所撥給西  
南一守備上三條衙衙一所撥給東南二守備  
各十有七間朝陽門外大街一所計十有七間  
撥給外正東守備左安門外石佛庵一所撥給

外正南守備十有四間左安門外興隆寺一所

撥給

南苑牆守備十有六間爛麵衙衙一所撥給南營  
遊擊二十九間小市一所撥給東南一守備牛  
街口一所撥給西南二守備各十有八間西直  
門外關廟西計二十間撥給外南一守備東河  
沿一所撥給內北東守備延壽寺街一所撥給  
內北西守備各十有六間東直門外一所撥給

外東北守備十有七間德勝門外十有二間撥  
給外西北守備朝陽門外一所撥給外西一守  
備十有六間再中營外東南汎內及北營遊擊  
駐劄之處皆無官房南營外南二外南三汎內  
雖有房屋而間數不敷請將安定門外官地二  
畝有奇撥給北營遊擊廣渠門外馬館地內撥  
給外東南守備一畝令其起蓋衙署右安門外  
官房七間增蓋四五間撥給外南二守備廣寧

門外官房五間增蓋六七間撥給外南三守備  
其所需工料銀即於本衙門存公房租內動用  
工竣日造冊咨送工部覈銷○十三年奏準增  
設司務一人筆帖式四人請於房租銀內酌給  
三百兩以為養廉飯食之費○又奏準八旗滿  
洲蒙古漢軍協尉各增養廉步甲三分副尉捕  
盜步軍尉各增養廉步甲二分步軍尉委署步  
軍尉各增養廉步甲一分○乾隆三年奏準本

衙門設有員外郎二人主事二人司務一人筆帖式十有二人書吏四名每年司官支領飯銀百兩筆帖式支領飯銀五十兩均於房租銀內給發但筆帖式差務繁雜所得飯銀實不敷衣食鞍馬之用至書吏向無飯銀供役維艱往往懸闕召募乏人應請筆帖式每人歲增銀三十兩書吏每月各給銀四兩統於房租銀內給發

○六年奉

旨巡捕三營兵丁向未給有生息銀步軍統領衙門  
入官房租一項除積年公用外見存銀萬餘兩著  
以九千兩賞給巡捕三營生息以為惠濟兵丁之  
用其如何委官經管該統領酌量辦理遵

旨議準步軍營所轄八旗三營大小各官約五百餘  
員其中不免乏用之人著分別等差定以三四  
十兩之數有願支借者取保借給每月二分取  
息四季扣俸完本疎得息銀即酌量開賞仍於



年終造冊報部察覈再見在初經營運應暫以二分起息俟日久息多該統領即酌量裁減於奏銷冊內聲明報部。又議準步軍營內舊無帳房該兵丁等每遇出差巡邏修道等事皆至露宿當三冬嚴寒雨雪時殊堪憐憫應於每旗滿洲設帳房二十架蒙古漢軍各十架共需帳房三百二十架即在工部庫貯項內揀選撥給應用。又議準內外營馬草料均有一定價直

獨三營馬匹給領豆草由五城司坊官採訪時  
價呈報戶部支放價貴之時每月營馬一匹領  
至三兩三四錢價賤之時領至二兩一二錢至  
一兩八九錢不等多寡懸絕漫無一定章程其  
中開報經手胥吏不免隨意高下而往返察覈  
動需時日營中每不能如期關領不免借貸墊  
用加息償還之累應請嗣後三營馬匹豆草無  
論年歲豐歉價值低昂酌中覈定每月營馬一

匹酌給銀二兩五錢戶部按月支放免其扣存  
加一節省按照實數覈給仍於歲終將領過銀  
數造冊咨送戶部察覈題銷○七年奏準三營  
生息銀照直省滋生銀例每月以一分五釐取  
息○九年奏準巡捕三營數年以來生息銀至  
六千四百四十餘兩自應酌量開賞但當差兵  
丁為數甚多若遇婚喪等事槩行賞給恐不敷  
用請自本年四月起三營兵丁遇有喪事交該

營叅遊守等官詳悉察明實繫父母本身妻室  
照直隸例賞銀四兩先行開賞如有父子兄弟  
同在營食糧者不得重領至漢軍兵丁除有父  
子兄弟在旗當差者遇有喪事該旗領賞外其  
實止本身在營食糧者移咨該旗交該叅佐領  
察明出具印結咨送本衙門照民兵例賞給其  
喜事暫行停賞俟息銀數用日再行議給統於  
年終報部察覈。十年奏準三營兵丁遇有喜

事照直隸例每名賞銀二兩〇二十一年奏準  
移步軍統領衙署於

地安門外日中坊橋之東

一本屬文武官陞除員外郎員闕由本衙門移  
咨吏部轉行各部院於主事內簡選通曉滿漢  
文移熟悉刑名人誠實者咨送本衙門由統領  
簡選一二人同本衙門主事引

見補授主事於本衙門司務筆帖式內選擬正陪引

見補授司務於本衙門筆帖式內選擬正陪咨送吏

部引

見補授筆帖式移咨吏部照簡選督撫筆帖式例轉  
行各部院於筆帖式內將老成諳練者保送會  
同統領簡選由吏部引

見調補○左右翼步軍翼尉員闕由本衙門行文該  
翼四旗滿洲都統護軍統領於驍騎叅領護軍  
叅領內每旗各簡選一人由統領引

見補授八旗滿洲蒙古漢軍協尉於各該旗城門領  
副尉步軍尉內簡選如步軍營內無可陞之人  
行文各該旗於男以下騎都尉以上簡選若蒙  
古漢軍協尉員闕該旗內無可選之人將滿洲  
旗員通行遴選均擬定正陪引

見補授副尉於該旗步軍尉內選擬正陪步軍尉會  
同該旗都統於委署步軍尉及雲騎尉前鋒校  
親軍校護軍校驍騎校城門吏隨旗行走之五

六七八品官調旗對品補用之部員內選擬正陪委署步軍尉會同各該旗都統於雲騎尉護軍校驍騎校隨旗行走之五六七八品官選擬正陪均引

見補授捕盜步軍尉於該旗步軍尉委署步軍尉內簡選委用內九門城門領員關於該旗副尉步軍尉內簡選如步軍營內無可簡選之人會同該旗於騎都尉雲騎尉等世爵內選擬正陪引



見補授年老官員尚堪任用者亦準選擬內九門城門領蒙古旗分亦準與選引

見城門吏由該旗都統於前鋒護軍領催驍騎內選擬正陪引

見補授門千總移咨兵部銓補監守信礮總管員闕由八旗直年都統於八旗世爵及監守信礮五品官引

見補授監守信礮五品官由該旗都統於騎都尉雲

騎尉護軍校驍騎校六七八品官內選擬正陪

引

見補授巡捕三營叅將員闕以遊擊題補遊擊以守  
備題補守備以千總題補均由該統領簡選諳  
練地方材技優長之人引

見補授千總以把總拔補把總以外委千把總及兵  
丁並發營補用之人選補外委千總以外委把  
總拔補外委把總於百總內拔補凡營弁降級

調用者照所降之級仍以巡捕營弁補用○乾隆八年奏準監守信礮官改隸步軍統領管轄一拔補兵丁舊例八旗步軍領催及捕盜步軍均於該旗步軍內拔補步軍移咨該旗於本佐領下願充步軍之正身開戶及印契白契所買家人內選補如孤寡貧窮並無家人者準借親戚家下人充選內九門驍騎咨取八旗滿洲驍騎調補外七門驍騎咨取八旗漢軍驍騎調補

十六門門軍皆召募民人充補每月給餉銀一兩米三斗內九門礮手浴取八旗漢軍礮手選補監守信礮領催礮手及步軍均由該旗選補巡捕三營兵丁闕召募民人充補步軍及三營番捕人役皆召募民人充補○康熙五十三年暢春苑增設巡捕營兵百二十人奉

旨此增設馬步兵著將漢軍閒散人等選補嗣後巡捕三營兵丁亦將漢軍與民人一并簡選○雍正二年

議準城門關繫緊要門軍不宜召募民人應由  
八旗滿洲蒙古漢軍教養兵內擇其壯健者充  
補仍食教養兵餉再照門軍例每月給米三斗

○又定八旗教養兵至二十五歲不能騎射革  
退者仍準佐領鈐用圖記送本統領選補步軍

○三年奉

旨圓明園增設巡捕營兵三百八十名著將內府佐領  
內管領下閒散人等選補○乾隆三年議準巡捕三

營有漢軍閒散并內府人等充補兵丁之例令  
八旗開戶人等若選補驍騎既恐侵占滿洲正  
身食糧之數步軍鐵匠等又繫養贍孤寡不便  
令其分占是開戶人等終不得進身之路請嗣  
後營兵令八旗將開戶及別載冊籍閒散人內  
有年力精壯弓馬可觀情愿就選者咨送同內  
府閒散人漢軍閒散人以及召募民人一例選  
充并準拔補管隊百總頭目至別載冊籍人雖

與開戶人等有別究其根本原同如有兵丁拔補頭目後果有才技優嫻實心効力者止準其拔補外委千總仍不得補用守備及經制千總把總○四年奏準各門額設門軍四十人遇有關八旗因無壯健教養兵皆將幼丁咨送不惟不勝啟閉之任且不足以肅觀瞻見有三十餘闕計八旗額設步軍二萬一千餘人若以此內選補門軍六百四十人所餘步軍尚有二萬四

百餘人看守堆撥柵欄巡街墊道一應差務仍屬數用請嗣後門軍有闕停選教養兵即於步軍內擇其年力精壯者撥補仍食步軍糧餉亦無庸別補步軍。○七年議準選補三營兵向繫按月辦理將漢軍一項作為一月別載冊籍並開戶人等與召募民人三項作為一月是三營兵闕漢軍應得一半有餘但八旗浴送之漢軍弓箭人材好者甚少每逢選補漢軍之月因無



人可補不便將名糧遷就往往於別項應募人  
內選補是以民兵較之漢軍覺多應令八旗漢  
軍都統嗣後務將弓馬可以學習人材壯健者  
多為簡選照例案月委叅領送本統領衙門選  
補○又議準外七門向無礮手請每門增設二  
名即於本門驍騎額內選補○八年議準監守  
信礮領催礮手由統領咨該旗於領催礮手內  
選送調補監守信礮步軍於該旗步軍內調補

一禁令順治初年定

御道上不許閒人坐立親王以下出入不許由

御道上行○又定凡有人越

京城者將管城門之城門領城門吏千總及城上  
直班之步軍尉各降三級調用越城而未過者  
各降二級調用若越城之人未經上城即被拏  
獲者該管官皆免議○又定

京城內起更後閉柵欄自王以下官民人等槩禁

行走步軍尉等分定街道輪班直宿步軍協尉  
仍行巡邏兵部不時委官察驗若柵闌不閉及  
不直更者領催鞭三十步軍鞭二十七直宿步  
軍尉罰俸兩月直宿協尉罰俸一月除奉

旨差遣各部院衙門差遣外其因喪事生產及問病  
延醫祭祀嫁娶行走者直宿步軍尉領催步軍  
等詳問事故記其旗分佐領姓名開柵闌聽出  
仍跟隨遞送交與附近該直步軍放行如無事

故夜行者如王公等登記姓名繫官或婦女即送至其家向鄰右說明被獲時辰繫民即於拏獲處所羈留均於次日呈報協尉轉報統領翼尉將無事故夜行之王公等請

旨交宗人府察議官員請

旨交部罰俸一月平人鞭五十若拏獲之人脫逃者直宿步軍尉罰俸三月直宿協尉罰俸兩月如得財徇情縱放者直宿步軍尉革職直宿協尉

降三級調用若未經起更之先妄拏埃起更以後向鄰右說明或不向鄰右說明即行送部者將直宿步軍尉罰俸三月直宿協尉罰俸兩月領催步軍各鞭一百○又定步軍尉看守街道曠班不直宿者罰俸兩月不埃天明擅離汎地者罰俸一月領催有曠班不直宿者鞭五十擅離汎地者鞭三十步軍曠班不直宿者鞭四十擅離汎地者鞭二十其失察領催步軍之步軍

尉罰俸一月○又定看守倉庫官物等處曠班者繫官降一級罰俸一年兵丁鞭六十○八年題準官民人等孝服白帶摘纓者不許於

闕左右門

長安左右門出入

大清門下馬牌石闌前不許民人貿易○又定

皇城内住居人家遇有喪事但令僧道誦經禮懺

外不許大作鼓吹送喪日

皇城內不得撒颺紙錢○康熙十三年定每歲小暑起至立秋止由禮部移知傳行三營禁止砍伐樹木焚化紙錢清明節由禮部知會行內九門禁止掛紙錢佛朶出城○又定正陽門永禁官民出殯○又定如遇祭

地壇安定門於祭前十日

日壇

月壇朝陽阜成二門各於祭日均由太常寺知會轉

傳各門禁止出殯○二十三年題準

大內中路乃

鑾輿經行御道不許官民行走

午門內交與守門直班護軍叅領護軍校

午門外交與兵部

闕左右門

天安門

大清等門交與直班步軍尉步軍

今改歸五旗護軍叅領護軍校



設軍嚴加察緝如有直行

御道上者繫官交該部題叅議處繫兵民送刑部治罪如直班官員兵丁徇情不舉被科道官糾叅將直班官員兵丁一并交部議處○二十九年奉

旨起火原繫禁止之物城外空地無人之所尚無妨礙令街道間即溷行點放房屋稠密草廬衆多甚屬可虞應嚴禁察拏其大臣院內點放者亦著一并嚴禁

再花爆每於年節點放由來已久仍聽其便至唱稻秧歌不論忌辰素服日期皆於通衢肆行唱演且成羣女裝穿甲執棍互演跳舞甚屬非理著步軍統領嚴加巡察緝捕餘仍聽其戲演○三十四年奉

旨風箏從前亦繫禁止者今著準撒放其繫鈴鴿尾者嚴行拏禁○四十三年奉

旨街道鋪戶人等從前設立木牌續於木牌地方改立捲蓬後又於捲蓬之前設立木牌多方占據街塗嗣

後著該衙門察勘如有似此者斷不可準其修造○

五十九年奉

旨大城根下立有糞場致有穢惡之氣再

天

地壇乃至潔之處而附近地方亦有似此者悉令遷移  
於大道空遠處○雍正二年定城內步軍人等見有  
失火之處即報知相近該旗如繫東南正藍鑲  
白西南鑲藍鑲紅東北鑲黃正白西北正黃正

紅各二旗往救如

皇城之內每翼兩旗往救倘報火之步軍有誤照  
曠誤火班例官員罰俸一年兵丁鞭五十失察  
之該管官罰俸兩月○四年

諭婦女寺廟燒香早行禁止今仍有拴繫駕馬前赴燒  
香者此習甚陋著嚴行禁止欽此○七年奉

旨提督衙門及內務府番役凡繫奉公守法實心効力  
者朕已加優賞以示鼓勵乃伊等小人竟有乘該管

大臣耳目之不及生事訛詐至被騙害之人因番役  
皆繫爾等所屬惟恐瞻徇庇護不敢控訴隱忍含冤  
以致不法番役毫無忌憚不可不立專司稽察者今  
特簡王大臣等不時嚴察并出示曉諭如有番役仍  
前生事妄行訛詐等情許於稽察王大臣處具呈首  
告王大臣等量其情罪輕重或即奏聞治罪或知會  
該管衙門懲治俾番役咸知畏懼而無辜之人不致  
負屈於以輯暴安良大有裨益欽此○十年奉

旨京城舊例每值三伏居民人等晚間聽其露處乘涼  
見今天氣炎熱傳諭步軍統領著仍照例行○十三  
年九月奉

旨目今天氣漸寒京城內外居民稠密火燭尤宜謹  
慎著步軍統領飭所屬弁兵小心防範勿得稍有  
疎懈再嗣後倘遇有失火處如延燒房屋至三四  
十間以上即行奏聞○十月

諭古之葬者厚衣之以薪葬於中野後世聖人易之

以棺槨所以變通宜民而達其仁孝之心也本朝  
肇迹關東以師兵為營衛遷徙靡常遇父母之喪  
棄之不忍接之不能故用火化以便隨身奉持聊  
以遂其不忍相離之願非得已也自定鼎以來八  
旗蒙古各有寧居祖宗墟墓悉隸鄉土喪葬可依  
古以盡禮而流俗不察或仍用火化者徂於沿習  
之舊不思當年所以不得已之故也朕思人子事  
親送死最為大事豈可不因時定制痛自猛省乎

嗣後如遠鄉貧人不能扶柩回里不得已攜骨歸葬者姑聽不禁外其餘一槨不許火化倘有犯者按律治罪族長及佐領等隱匿不報一并處分朕又聞漢人多惑於堪輿之說購求風水以致累年停柩漸至子孫貧乏數世不得舉葬愚悖之風至此為極嗣後守土之官必多方勸導俾得按期葬埋以妥幽靈以盡子職此厚人倫美風俗之要務也欽此遵



旨議準

京師旗民飭令步軍及巡捕三營每歲春秋嚴禁  
火化犯者重懲並出示勸令及時安葬以厚風  
俗○乾隆元年

諭據都察院審訊首告因事行賄刑部司官得銀五  
百兩一案全繫步軍統領衙門番役等夥同匪類  
捏辭誣陷供證確鑿都察院又稱番役私用之白  
役人等俗名圓扁子並非額設衙役亦無定數每

藉番役名色嚇詐生事若遂其所欲則將事件消  
弭否則告知番役捕治得受賞銀飽其谿壑且往  
往出銀設計誘人犯法民間甚為擾累向來步軍  
統領衙門番役及內務府番役恣行不法往往遇  
事生風戕賊良善其索詐騙害之惡不可枚舉是  
以我

皇考特命王大臣不時約束稽察此時稍知畏法斂跡  
今則日久廢弛復逞故智即如此案乃目前之顯

然敗露者其他更不知凡幾朕又聞番役等竟將  
京城內外地方各人私自分管且將六部等衙門  
事件各令一人訪察此則可惡之尤甚者從來番  
役之設不過緝捕潛藏之盜賊逃竄之罪人與賭  
博宰牛等類至於部院之事自有該管大員與職  
司稽察番役何人而敢於私自窺伺以持其短長  
乎著步軍統領嚴行禁止並將白役圓扁子之類  
盡行革退不許私留一人致滋閭閻之擾嗣後倘

有被番役等騙害者準本人赴刑部都察院控告  
該部院即據實奏聞朕必將番役等嚴審治罪不  
稍寬貸欽此○二年議準五城闕廟設立米廠平  
糶原以接濟貧民自應嚴禁囤販但民間買米  
之人有離廠遙遠老弱婦女每藉小販到門就  
便買食此等小舖有米舂碓然後米可流通價  
不昂貴嗣後不許姦民串買囤積至四五十石  
及買作燒鍋之用其餘肩挑背負不過數石者

槩免察究○三年議準見今禁止米舖不許堆積米過五十石原為使市米流通無如姦商多賃房屋一舖散作數家或數十家不等巧為囤積應行令步軍統領五城御史順天府尹不時稽察嚴拏究治其肩挑背負不過數石者仍準其糴買○五年奏準

盛京等處旗人身故祖塋遙遠不能送回呈請火化歸葬者由該佐領申報都統移咨步軍統領

衙門委官往驗火化再

京外旗人奉差告假出外身故無力扶柩回京者  
呈報該處官員火化攜回其餘槩不準火化違  
者治罪佐領族長隱匿不報者交部議處

欽定大清會典則例卷一百七十九

欽定四庫全書

欽定大清會典則例卷一百八十

火器營

一建置康熙三十年設火器營以公侯大臣為  
總統專理營務訓練官軍所屬設護軍叅領十  
有六人旗各二人烏槍驍騎叅領滿洲旗各二  
人蒙古旗各一人管烏槍散秩官滿洲旗各五  
人蒙古旗各二人管礮散秩官滿洲旗各四人

蒙古旗各一人烏槍護軍校滿洲旗各十人蒙古旗各四人烏槍驍騎校滿洲旗各十人蒙古旗各四人

以上官校均兼任

八旗滿洲蒙古每佐領下

烏槍護軍三名烏槍驍騎四名礮驍騎一名○

又定火器營總統無定員由

特簡叅領員闕由護軍統領該旗都統會同本營總統於該旗叅領內遴選引

見簡委其管理槍礮散秩官驍騎校員闕由該旗都



統於本旗滿洲蒙古散秩官驍騎校內揀選鳥槍護軍校員闕由護軍統領於本旗護軍校內遴選各咨送本營至止操日以官軍一半留營看守槍礮旗纛衙署以一半發回本營行走○

又定火器營鳥槍護軍驍騎人各給鳥槍一八旗各給子母礮五鳥槍營每旗設海螺各十有二礮營每旗設海螺各五○又定火器營旗纛各按旗色護軍用金龍三角纛驍騎用金龍方

纛均頂飾豹尾加白號帶以為別旗亦如之甲

冑護軍校護軍驍騎校驍騎均與八旗護軍驍

騎營同○又定每年七月十六日開操

遇閏七月即於

閏七月十六日開操次年四月十六日止操

年節封印日暫行停止

每月初四初九十四十九二十四二十九等六

日演礮初二初七十二十七二十二二十七等

六日演鳥槍初六十六二十六等三日較射冬

季八旗合操於安定門外鑲黃正黃兩旗教場

內列陣操演

陳式詳  
兵部

○三十五年鑄給管理滿

洲火器營銀印○雍正三年奏準游牧察哈爾  
八旗護軍既有總管副管統轄其八旗護軍叅  
領各二人應撤回

京師改補火器營烏槍護軍叅領為火器營專設  
官餘仍以旗員兼任○九年設筆帖式八人○  
十年奏準以朝陽門內隆福寺前官房一所為  
火器營公署○乾隆四年奏準火器營請照前

金分已左  
卷一百八十  
鋒營護軍營之例以本營護軍叅領驍騎叅領內  
簡命四人協理事務

一演礮乾隆十四年奏準每年秋後奏請往蘆  
溝橋演放子母礮十日候

旨行○十八年奏準埃漢軍演火礮烏槍事畢本營  
總統率叅校軍士往蘆溝橋演放子母礮十日  
開操第一日祭礮由太常寺掌行一應禮儀均  
與八旗漢軍同

圓明園八旗護軍營雍正二年議準

圓明園畧設八旗護軍守衛於

禁苑周圍建營房八所選

京中八旗官軍前往駐劄以王公二人統轄營務

設營總八人五品護軍副叅領十有六人六品

署副護軍叅領三十二人護軍校八十人護軍

三千名按旗分住各統以營總佐以叅校每營

總給房十有三間副護軍叅領二人各給十間

署副護軍叅領四人各給八間護軍校十人各給六間護軍三百七十五名各給三間○又奏準營總員闕於八旗護軍副叅領內遴選副叅領員闕於本營署副叅領內遴選署副叅領員闕於護軍校內遴選護軍校員闕於護軍內遴選均由總統王公引

見補授○又定本營官軍操演每月步射六次春秋二季習騎射演鳥槍遇軍政之年一例考驗一

應親隨兵養廉及官軍優卹均與在京八旗護軍營同○又定八旗官軍俸餉按季按月於戶部關支外祿米月餉左翼於清河本裕倉右翼於安河豐益倉就近支領○是年設教養兵九十六名○六年議準鑲黃正黃正白鑲白四旗於適中之地共立學舍一設教習二人正紅鑲紅二旗共立學一設教習一人正藍鑲藍二旗暨內府護軍營各立學一各設教習一人均於

八旗文生員內容取選補月給銀二兩歲給米  
四十二斛二斗四年期滿如教導有方生徒內  
有考取錄用者列為一等咨部以筆帖式即用  
其僅能教導約束生徒者列為二等咨回該旗  
怠惰者將生員褫革○又奏準八旗營總各鑄  
給關防○七年定增設副護軍校七十二人每  
月食餉五兩○十年奏準增設三品護軍叅領  
八人原設五品副叅領陞為四品原設六品署



叅領陞為五品又增設護軍校三十二人副護  
軍校四十人隨闕防筆帖式三十二人三品叅  
領員闕於八旗護軍副叅領內選補其營總員  
闕即於三品叅領內選補筆帖式員闕於護軍  
內選充仍食護軍本餉餘照舊例○乾隆三年  
奉

旨八旗護軍營增設教養兵三百八十四名  
○十二年奉

旨以京城八旗護軍八百名移駐圓明園增設護軍  
校副護軍校各十有六人增設營房二千三百二  
十八間照前分給官兵居住○十六年奏準鑄給  
圓明園總統印即於總統王公大臣內列名奏請  
欽簡一人掌印以營總叅領各二人護軍校四人筆  
帖式八人隨印協理事務其選補陞降均照八  
旗護軍營隨印辦事之例○二十一年奉

旨圓明園護軍營學舍肄業子弟令專習清書其膏

火等項仍照舊例欽此遵

旨議準教習選用繙譯生員生徒內有以繙譯考取錄用者列為一等咨部以筆帖式用餘仍舊

一守衛雍正二年定

圓明園門汛警蹕共百處日以營總四人副護軍叅領八人署副護軍叅領十有六人護軍校護軍千名入直夜傳更籌十有六恭遇

聖駕至

圓明園及

還宮自

圓明園至紅橋以副護軍叅領署護軍叅領四人  
護軍校護軍八十名於路旁兩翼清蹕如

聖駕由水路自

暢春園西南門經

聖化寺至長春橋以營總三人護軍叅領副護軍  
叅領十有六人護軍校護軍二百四十名於長

河兩岸清蹕○乾隆四年恭逢

皇太后駐蹕暢春園

圓明園改設門汛共七十六處以營總護軍叅領各二人副護軍叅領署護軍叅領十有五人護軍校護軍七百六十名守衛

暢春園增設門汛十九處日以營總一人署副護軍叅領四人護軍校護軍一百九十名守衛夜傳更籌八○八年定每遇

駕駐靜宜園設門汎五十一處日以營總二人護軍  
叅領一人署副護軍叅領十有三人護軍校護  
軍五百十名守衛夜傳更籌十

車駕往還均以營總護軍叅領各三人副署護軍叅  
領二十人護軍校護軍五百二十名於經由之  
路左右清蹕恭遇

駕詣黑龍潭大覺寺行禮以營總護軍叅領各三人  
副署護軍叅領十有四人護軍校護軍七百名

沿途清蹕○十年定增設

長春園門汛二十處日以護軍叅領一人副署護  
軍叅領四人護軍校護軍二百名守衛夜傳更  
籌八○十八年增設

清漪園門汛六處日以副護軍叅領或署護軍叅  
領一人護軍校護軍六十名守衛

駕幸靜明園清漪園以營總護軍叅領各三人副署  
護軍叅領九人護軍校護軍二百四十名沿途

清蹕



健銳營乾隆十四年

諭去歲金川用兵朕思我滿洲兵向用雲梯攻城因  
命八旗於前鋒護軍內選擇年壯人材勇健者千  
人特命大臣監視操演所選兵丁各奮勉學習不  
數月間皆已精練隨征金川功成凱旋如令仍回  
本營隨行行走則伊等前功徒費且我滿洲舊日  
技藝仍至廢弛若將伊等專設一營演習技藝均  
可為精銳兵丁而於緩急之用更有裨益即朕遇

有行幸令伊等隨往圖獵學習行走更得嫻熟俟  
回軍之日不必令回本營專設一營令大臣數人  
管轄操演特簡大臣一人總統其如何設立營伍  
學習操演遇朕行幸如何隨蹕再如何施恩使得  
陞轉之塗著大學士公同管轄操演之大臣等詳  
議具奏欽此遵

旨議準演習雲梯兵千名原委翼領四人前鋒叅領  
十有六人前鋒校四十一人管轄令既專設一

營應將雲梯兵千名分為兩翼每翼設翼領一人統轄八旗選前鋒叅領八人副前鋒叅領八人前鋒校五十人鑲黃旗九人正黃正白二旗各八人正紅等五旗各五人以上翼領叅領護軍校各官不能兼任均應專設至雲梯兵千名上三旗五百名一旗一百六十六名二旗一百六十七名下五旗五百名每旗百名此內設副前鋒校四十人什長五十名隨印筆帖式四人

○又定健銳營總統以王公大臣兼任請

旨特簡翼領員闕於本營叅領內叅領員闕於副叅  
領內副叅領員闕於署叅領內署叅領員闕於  
前鋒校內前鋒校員闕於副前鋒校筆帖式內  
均由總統遴選擬定正陪引

見補授副前鋒校闕由總統於筆帖式什長內什長  
筆帖式闕於前鋒內前鋒闕於委前鋒內委前  
鋒闕於教養兵閒散壯丁及八旗驍騎教養兵

內教養兵闕於壯丁內拔補○十五年鑄給健  
銳營銀闕防○又定日以叅領一人前鋒校前  
鋒十名守衛

靜宜園宮門

駕幸靜宜園移駐碧雲寺孔道○又奏準健銳營八  
旗官軍住房左翼在東右翼在南翼領叅領各  
給官房十有三間副叅領十間署叅領八間前  
鋒校六間前鋒三間委前鋒二間○又奏準昆

明湖趕繒船八號以健銳營前鋒軍習演駕船  
水戰所用教習把總十人水手一百十名行文  
天津福建各水師營選送天津把總四人水手  
四十四名福建把總六人水手六十六名把總  
年滿送兵部仍交該直省錄用其員闕於水手  
內由本營總統選補水手闕咨該直省補送以  
上兵弁駐於船塢其弁兵俸餉由內務府支給  
○又奏準健銳營官軍隨

駕於京中官軍內分撥十分之四其軍政親隨兵養  
廉官軍優卹均與

京城同支米與

圓明園同官馬人各一匹每匹給官價銀六兩限  
一年內買足○十六年增造新趕繒船二十四  
號輪換使用○十七年奉

旨健銳營賞給教養兵百名每名給食餉銀二兩上  
三旗五十名下五旗五十名○又奏準健銳營操

演事繁嗣後隨

駕撥官軍十分之二○又定恭遇

行幸隨

駕並操演時翼領著黃色馬褂前鋒叅領藍鑲黃馬

褂兵丁黃鑲藍馬褂○又定旗色左翼鑲黃右

翼正黃均繪金龍制同前鋒營加以黃號帶大

纛同○又定每月逢四九日操演雲梯大隊三

槍逢二七日演撲躍馬騙馬三槍舞鞭舞刀射



箭逢三五八十等日操演水戰其一六日各於  
本旗較馬步射放槍恭遇

駕駐圓明園每日操演水戰常用船四號四旗各  
二十五人共百人逢八日大操用船八號八旗  
共二百人均翼領率所屬隨時訓練戰船各用  
本旗色金龍旗幟○十八年奉

旨健銳營增設署前鋒驍騎千名○又增教演水師  
漢侍衛十人○又奏準本營所增兵丁應設官

管束每旗增設署前鋒叅領各二人副前鋒校  
各五人此內以署前鋒叅領二人副前鋒校旗  
各一人委前鋒旗各十有五人駐紅石山署叅  
領員關於本營前鋒校內遴選引

見補授副前鋒校闕由總統遴委○二十一年奉  
旨裁趕繒船八號○二十三年奏裁趕繒船八號並  
裁隨船水手四十八名

三旗虎槍營康熙二十三年黑龍江將軍送到  
精騎射善殺虎新滿洲四十名到

京分隸於上三旗設虎槍營以內大臣或侍衛一  
人為總統每旗各以大臣侍衛叅領官員內設  
虎槍總領每旗設長三旗設虎槍人百二十名凡  
大狩行田皆從虎槍總統總領皆著黃色馬褂槍長  
紅色馬褂虎槍人白色馬褂袴均鑲以青 雍

正元年奏準每旗設虎槍總領二人虎槍長七

人副長七人每旗虎槍人百六十名學習虎槍人四十名如遇

行田隨蹕人等所領錢糧路費馬匹等項皆由本營移文各該旗支領○乾隆三年奏準請鑄給關防三旗設筆帖式三人如遇

行田隨蹕人等所領俸祿錢糧路費馬匹均由本營行文支領

欽定大清會典則例卷一百八十